

Vischnaunca da Trun

Regulativ forestal



C U N T E G N

I. Disposiziuns generalas		pagina
Art. 1	Intent	3
Art. 2	Principi	3
II. Administraziun		
Art. 3	Organisaziun	3
Art. 4	Administraziun e survigilanza	3
Art. 5	Suprastonza communal	3
Art. 6	Gerau d'uaul	4
Art. 7	Selvicultur da revier/menader da menaschi	4
III. Cultivaziun digl uaul		
Art. 8	Finamira	4
Art. 9	Program annual	4
Art. 10	Segirtad da lavur	4
Art. 11	Protecziun dalla lenna	4
Art. 12	Infrastructura	4
Art. 13	Diever dallas vias d'uaul	5
IV. Products forestals e prestaziuns forestalas		
Art. 14	Commercialisaziun	5
Art. 15	Vendita da lenna	5
Art. 16	Consum intern	5
Art. 17	Lenna da taxa	5
Art. 18	Lenna manecla	5
Art. 19	Pigneuls, dascha per cuvierer	5
Art. 20	Prestaziuns d'economia collectiva	6
V. Protecziun encunter donns		
Art. 21	Pasculaziun	6
Art. 22	Fiug	6
Art. 23	Campar	6
VI. Disposiziuns penelas		
Art. 24	Cumpetenzza	6
Art. 25	Multas	6
Art. 26	Scadenza, mieds legals	6
Art. 27	Obligaziun da denunziar	7
VII. Disposiziuns finalas		
Art. 28	Abrogaziun da dretg da tochen dacheu	7
Art. 29	Vigur	7

I. Disposiziuns generalas

Art. 1

Intent

Il regulativ forestal regla l'organisaziun, las incumbensas e las obligaziuns dil survetsch forestal dalla vischnaunca.

Art. 2

Principi

Ilis uauls da vischnaunca dueien saver ademplir lur prestaziuns da protecziun, d'utilisaziun e dil beinstar public a moda durabla.

II. Administraziun

Art. 3

Organisaziun

La vischnaunca meina in agen survetsch forestal ni ella sa s'unir per ademplir sias incumbensas cun autras vischnauncas ad in consorzi communabel da revier forestal.

Art. 4

Administraziun e survigilanza

L'administraziun e la survigilanza dils uauls communal ei caussa della suprastonza communal. In commember dalla suprastonza ei gerau d'uaul.

Art. 5

Suprastonza communal

Cun resalva d'eventualas differentas statutas da revier ei la suprastonza communal responsabla pil manteniment e per la cultivaziun cunvegna dils uauls communal. Ella:

- a) fixescha las directivas dalla politica forestala dalla vischnaunca;
- b) relai la descripziun dalla piazza e fixescha ils duers e las competenzas dil selvicultur da revier;
- c) approbescha il programm annual;
- d) fa il preventiv;
- e) survigilescha la gestiun dil menschi;
- f) engascha ils luvriers d'uaul e fixescha las cundiziuns da survetsch;
- g) surdat lavurs pli grondas;
- h) punescha surpassaments digl uorden forestal communal.

Sch'ei vegn tractau ellas sedutas dalla suprastonza communal fatgs d'uaul, eis ei d'envidar il selvicultur da revier cun vusch consultativa.

Art. 6**Gerai d'ual**

Il gerai d'ual:

- a) promova l'economia forestala e la commercialisaziun dalla lenna en vischnaunca;
- b) representa ils interess forestals en la suprastanza communal e viers la populaziun;
- c) pren part allas uatgas forestalas;
- d) fa la proposta per surdar las lavurs forestalas pli grondas;
- e) survigilescha la vendita dalla lenna.

Art. 7**Selvicultur da revier/menader da menaschi**

Il selvicultur da revier vegn elegius dalla suprastanza communal, sin proposta d'ina cumissiuin predeliberonta che seconstituescha ord delegai dils purtaders dil revier. El vegn engaschus e salarisaus tenor las disposiziuns executivas decisivas dil cantun. El ha l'obligaziun da menar il menaschi forestal tenor las disposiziuns executivas dil cantun e tenor la descripziun dalla piazza.

III. Cultivaziun digl uaul**Art. 8****Finamira**

Ils uauls communalis ein da cultivar tenor las disposiziuns fixadas en la planisaziun forestala.

Art. 9**Program annual**

Las lavurs sedrezzan tenor il program annual approbau e tenor preventiv.

Art. 10**Segirtad da lavur**

Lavurs d'ual astgan vegnir exequidas sulettamein da luvriers scolai corrispudentamein e sulettamein observond las disposiziuns davart la segirtad da lavur digl ISAA. Lavurs a tiarzs astgan vegnir surdadas ultra da quei sulettamein observond l'obligaziun necessaria d'agir cun quita.

Art. 11**Protecziun dalla lenna**

Leu, nua ch'igl ei necessari per motivs fitosanitars e per segirar la qualitat, sto la lenna vegnir allontanada immediat ord igl uaul u vegnir tractada a moda cumpetenta.

Art. 12**Infrastructura**

Per cultivar ils uauls communalis eis ei da crear in'infrastructura cunvegnetta e quella ei da mantener en in bien stadi.

Art. 13**Diever dallas vias d'ual**

Il diever dallas vias d'ual ei lubius sulettamein per intents forestals ed agricols sco era per las excepziuns lubidas tenor la lescha d'ual federala e cantunala.

Ulteriuras excepziuns regla la vischnaunca en in reglament per far diever cun vehichels a motor.

IV. Products forestals e prestaziuns forestalas**Art. 14****Commercialisaziun**

La vischnaunca commercialisescha ils products forestals e las prestaziuns forestalas il meglier pusseivel. Ella sustegn associaziuns cun las medemas finamiras.

Art. 15**Vendita da lenna**

La vendita dalla lenna vegn fatga dil selvicultur da revier per la vischnaunca tenor ils principis dallas „usanzas commercialas dalla Svizra“.

Art. 16**Consum intern**

La lenna da diever e da brisch che vegn duvrada per baghetgs communal vegn messa a quen pil prezi da fiera.

Art. 17**Lenna da taxa**

La suprastanza communal decide davart las cundiziuns da vendita da lenna da taxa allas persunas cun dretg sin quella. Ei vala las prescripziuns en l'aschunta 1.

Art. 18**Lenna manecla**

Sco lenna manecla valan lenna secca sidretg u lenna per tiara cun meins che 16 cm diameter en l'altezia dil pèz, sco era roma, scorsa, restonzas da tagl e tocca libra. Il dretg da rimnar lenna manecla ha tgi ch'ei en posses d'ina lubientscha digl uffeci forestal da revier.

Art. 19**Pigneuls, dascha per cuvierer**

Ils pigneuls e la dascha per cuvierer astgan vegnir tagliai sulettamein sut survigilonza forestala.

Il selvicultur da revier mira che quei vegni pinau e consignau en uorden e cunvegnentamein.

Art. 20**Prestaziun
d'economia
collectiva**

Il cuosts per las prestaziuns d'economia collectiva ein da cumprovar e da metter ton sco pusseivel a quen als gudiders. Tut ils recavs per las prestaziuns d'economia collectiva e per utilisaziuns secundaras duein vegnir screts dabien al quen forestal.

V. Protecziun encunter donns**Art. 21****Pasculaziun**

L'utilisaziun dils uauls sut pasculaziun ei da reglar en cunvegnientscha cul survetsch forestal en reglaments da pasculaziun u en projects per separar igl uaul e la pastira.

Art. 22**Fiug**

Igl ei lubiu da far fiug egl uaul u en vischinonza da quel sulettamein, sch'ei dat negin prighel d'incendi special.

Art. 23**Campar**

Igl ei scumandau da campar egl uaul.

VI. Disposiziuns penelas**Art. 24****Cumpetenzza**

La suprastonza communal ei cumpetenta per tuts surpassaments encunter igl uorden forestal, aschilunsch che quels ein buca suttamess alla cumpetenzza d'ina outra instanza.

Art. 25**Multas**

Il surpassaments dil present uorden forestal vegnan puni cun multas da 100 tochen 5000 francs, ultra dall'obligaziun da surprendre l'indemnisaziun cumpleina dil donn.

Art. 26**Scadenza, mieds
legals**

Las multas e l'indemnisaziun dil donn ein da pagar alla cassa communal enteifer in meins suenter la consignaziun dalla disposiziun dalla multa.

Encunter las multas dadas dalla suprastonza communal ha il puniu il dretg da recuorer alla dertgira administrativa.

Art. 27**Obligaziun da denunziar**

Las persunas officialas ein obligadas da denunziar ils surpassaments ch'ein ad els enconuschents.

VII. Disposiziuns finalas**Art. 28****Abrogaziun da dretg da tochen dacheu**

Il regulativ forestal dalla vischnaunca da Trun dils 19-10-1986 vegn abrogaus.

Art. 29**Vigur**

Quest regulativ, inclusiv l'aschunta van en vigur cun l'approbaziun dalla radunonza da vischnaunca dils 16-06-2000.

En num dalla suprastonza communal Trun

Il president:

Igl actuar:

Daniel Tuor

Plazi Decurtins

Aschunta 1

Lenna da taxa

Art. 1

Noziun Sco lenna da taxa vala la lenna da brisch che vegn vendida dalla vischnaunca per in prezzi reduciu.

Art. 2

Dretg La lenna da brisch vegn vendida a tuts domiciliari en vischnaunca.

Art. 3

Damondas Damondas per obtener lenna da brisch ein d'inoltrar al selvicultur da revier tenor publicaziun el fegl ufficial dalla Surselva.

Art. 4

Raccolta La lenna da brisch ei da pinar normalmein ord ils tagls ordinari u ord utilisaziuns sfurzadas. La surdada naven dalla cuscha ei scumandada.

Art. 5

Pinar e transport La vischnaunca ei responsabla pil pinar e pil transport dalla lenna da brisch entochen la piazza da vendita.

Art. 6

Termin per menar naven la lenna Lenna ch'ei buca vegnida menada naven enteifer il termin fixaus sil quen, croda senza restituziun alla vischnaunca.

Art. 7

Liug da diever/commerci/brat La lenna da brisch astga vegnir duvrada sulettamein sil territori dalla vischnaunca d'acquist. Il commerci cun quella lenna da brisch ei scumandaus.

Art. 8

Reclamaziuns Eventualas reclamaziuns concernent quantidad e qualidad ein da far a scret avon che la lenna vegn menada naven, sil pli tard denton 14 dis suenter la repartiziun e quei agl uffeci forestal da revier. Suenter quei termin croda, cun excepziun da munglaments zuppai, la responsabladad dalla vischnaunca.

Art. 9**Quantitad**

Il selvicultur da revier fixescha mintg'onn la quantitad totala d'acquist, risguardond la planisaziun da menaschi. Quella quantitad vegn repartida sin las damondas inoltradas.

Art. 10**Surdada**

La surdada succeda sper vias carrablas ni tenor publicaziun el feagl official. Sch'il retschevider giavischa che la lenna vegni resgiada tenor giavisch e furnida a casa, succeda quei pils cuosts effectivs.

Art. 11**Prezi**

Il prezi da surdada vegn fixaus annualmein dalla suprastonza communal sin proposta dil gerau d'uaul ensemen cul selvicultur da revier.

Approbau dalla Regenza tenor conclus dils 02.10.2000 Nr. RB 1579

En num dalla Regenza

Il president

Il cancelier

sig. Dr. P. Aliesch

sig. Dr. C. Riesen